



LE GOUVERNEMENT  
DU GRAND-DUCHÉ DE LUXEMBOURG  
Ministère des Sports

Le Ministre

Monsieur Marc Hansen  
Ministre aux Relations avec le Parlement  
Service Central de Législation  
43, boulevard F.D Roosevelt  
L-2450 Luxembourg



Luxembourg, le 16 juillet 2019

**Objet : Question parlementaire n°769 de M. le Député Roy Reding au sujet du contrôle médico-sportif**

Monsieur le Ministre,

Par la présente, j'ai l'honneur de vous faire parvenir la réponse à la question parlementaire n°769 de l'honorable député Roy Reding.

Je vous prie de bien vouloir la transmettre à Monsieur le Président de la Chambre des Députés.

Veillez agréer, Monsieur le Ministre, l'expression de ma parfaite considération.

Le Ministre des Sports

Dan Kersch

**Réponse de Monsieur le Ministre des Sports à la question parlementaire N° 769 de l'honorable député Roy Reding au sujet du contrôle médico-sportif.**

Op Froe vum honorabelen Deputéierten iwwert den «contrôle médico-sportif» gelt et un éischer Stell ze präziséieren dass dësen «contrôle» am Artikel 11 vum ofgeännerten Sportsgesetz vum 2005 virgesinn ass, deen duerch d'Ausféierungsbestëmmungen vum 23. Dezember 2016 exekutéiert gëtt. Fir d'Elitesportler ass een speziellen „suivi médical“ am Sportsgesetz virgesinn deen, esou ewéi dat am groussherzoglechen Reglement steet, an engem spezialiséierten, an vum COSL, unerkannten Zenter fir d'Héichleeschtungssportler duerchgefouert gëtt.

Ech kann net konfirméieren dass d'UEFA den lëtzebuerger Médico net unerkennt. Allgemeng ginn des Tester unerkannt an doriwwer eraus brauchen och d'Bestëmmungen vum engem groussherzoglechen Reglement keng Unerkennung duerch international Sportsinstanzen well mär als souveräne Staat dat selwer ze décidéieren hunn. Doriwwer eraus huet den lëtzebuerger Médico allgemeng een héichen Niveau, deen och, am Fall wou deen zoustännegen Dokter dat fir ubruecht fënnt, duerch zousätzlech Tester nach kann opgewäert ginn.

Allerdéngs brauchen déi Fussballveräiner, déi eng UEFA-Lizenz ustriewen zousätzlech medizinesch Tester, esou ewéi si och eng ganz Réi vun aneren Bedingungen erfëllen müssen, fir des Lizenz ze kréien. Dëst bréngt eng Rei Käschten fir déi wéineg Veräiner déi betraff sinn mat sech, allerdéngs kënnen si awer, am Géigendeel vum villen aneren Sportarten, op grousszügeg Subsidien vun der UEFA zielen, am Fall vun enger Partizipatioun op europäescher Bühn.

Doriwwer eraus ginn d'Fussballveräiner aus der Nationaldivisioun iwwert den „Fonds de solidarité“ vun der UEFA indemniséiert, fir déi zousätzlech Käschten déi fir d'Erfëllen vun der UEFA-Lizenz ufalen.